

「國家社會科學基金重大項目」

何建明 主編

中國地方志
佛道教文獻匯纂

寺
觀
卷

(110)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（110）



國家圖書館出版社

祐淳臨安志

宮觀

承天宮在仁和縣赤岸嘉熙中建寧宗皇帝御書承
天二字

以上仁和縣

天慶觀在朝天門裏唐之紫極宮也梁開平二年淮
南兩浙觀祭使錢鏐奏請以真聖觀為額國朝大中
祥符二年勅令州府軍監修建道觀一所以天慶觀
為額乃即元貞觀為之五年初天慶觀置聖祖殿其
殿內尊像及侍從並今玉清昭應宮降樣天禧三年

郡守王欽若言節朔朝拜差違奏移天慶觀額於此
 紹興二十六年六月本府被旨重修乃撥賜田五百
 畝除其租賦紹定四年延熈有旨重本觀舊有真武
 堂郭先生祠七聖堂三官堂集仙閣真宗皇帝御製
 賜守臣王欽若詩刻石勅賜天慶觀額碑祥符二年建
 聖祖殿勅碑祥符五年玉清神霄萬壽宮詔徽宗皇
 帝御製御書老子道德經高宗皇帝御書天慶之觀
 今上皇帝御書真觀記開平二年吳越武肅王立又多
 軼不可載重建宮記天錫大寶命於我有宋二后受
 之外溥四海慈主慈臣真宗皇帝裴休紹明澶淵既

以教寧武園功沾濡浸潤億兆提福稽古禮文之事
煇然勃興迺大中祥符記亢之明年天下郡邑並建
道觀一錫名天慶於以崇清靜而洽醇熙涉降左右
不顯亦臨積厚流光美祥來假五載冬閏誕啟明指
諸天慶觀悉嚴奉聖祖天尊大帝像設卓哉皇乎生
民尊祖之丕乾順天立教之宏規也夫天者羣物之
祖聖人繼天測靈昭德揭虔明有本也日月所照霜
露所隊凡有血氣心知之性莫不尊親其所以輯上
下定民志之意微矣惟錢塘左江右湖天慶真址負
吳山南鄉中興駐蹕隆上都而觀萬國歲時尹潯帥

屬朝謁如今州縣是一命以上南拜而後敢即事遇
誕節內而宮省外而臺衙歸美報上者必於是事隆
休特嚴詔景靈非他郡比紹定辛卯秋塵居 綬不
戒受墮蓋宇室帝惕懷惟天性祖宗發祥儲祇之地
敢懈欽崇首介內誥金帛祠牒更報之自宮掖卽第
至都人士罔不贊佐役明年春聖祖殿成藏室永東
齊廡延西重門洞開遶雲車風馬之靈秘奇巍擁皇
元龜來此之神於時佳持觀事臣陳永瀨經工化材
實故實勤上聞而嘉之申以錫帑為錢萬緡俾造其
事又明年三境列真之庭始克傳榮溫秘寶有待而

啓毓登淳祐內出天慶之觀四大字以落之金扁聯
題奎壁輝絢霄偉淵觀陽曜陰藏穆乂爲天下之壯
觀矣自三代衰王教熄異端乘之以禍福誘怵愚俗
宮室紺碧幾徧天下其於大倫大法蔑如也噫若建
殊庭祇靈晚邇僊源於厥初明天慶之有屬使凡爲
臣子者拜俯其下雖在四方萬里外拱極朝宗之心
油然而生而况首善之地不已重乎初上之御極也
春爲東顧虹流隍區將築天基瑞應宮及是仍命永
瀨往營之未幾珍臺開館對峙澗河之上聖祖神孫
景光相宣於焉斯年益章章矣昔在炎漢肇基豐沛

聖龍著論開明王命序帝堯之苗裔表神武之隆虞
顯德盡功流澤後世四七再造珍符有開嘉雉怛威
護宇適復鋪觀聖代跨轅兩都披唐開紫極崇真元
之奉詎可同日語哉於戲據坤靈之首放太紫之彩
與天命人心相維於無窮故曰天子建極以順成天
慶垂萬世之基也淳祐二年夏四月甲子朝奉節行
秘書郎兼吳益王府教授臣盧壯父記

元真觀在城北唐中宗景龍二年建景隆觀後唐吳
中二年改中興觀武肅王錢氏改錢明宮國朝雍熙
二年改元真觀大中祥符二年改天慶觀五年奉安

聖祖天尊像天禧三年郡守王欽若以節朔朝拜差
遠奏改真聖觀為天慶觀迎奉聖祖天尊於真聖觀
是年復元真觀額撥賜田五百畝又舊志載前園經
及本觀記云咸平三年奉安聖祖天尊改為天慶觀
祥符二年王欽若迎奉聖祖天尊於真聖觀誤也蓋
祥符二年方詔天下立慶天觀天禧三年欽若判杭
州記今不存舊志載雍熙二年元始天尊殿示現祥
光改元真觀又故老相傳云錢武肅王患目昏禱於
天尊殿目復明因改為錢明宮禮部貢院即故基今
貢院橋堦下小石碣紀為錢明宮 水府簿鑑觀舊

在剡塘門外相木園世傳五季馬自然修煉於此龍
 德三年吳越王錢氏疏水府院國朝天聖四年仁宗
 詔定名山洞府二十錢塘江水府居其一歲授龍簡
 政和改淨鑑院七年增水府二字歲度道士一人今
 使於候潮門外清水閣東乾道四年府尹周公深重
 建水府故表大帝殿嘉定七年道士江師隆開地重
 建觀記寶慶三年翰林學士程敦撰其畧云兩間動
 物水為形故海特大乾坤大支脉惟河江淮濟四水
 皆然北東入海故東海為尤大錢塘据上游六龍來
 御貢賦梯航吸錄駕薰而來渺已無際靜則吳越千

鏡碧一色少爲溟渤毓山嶽推不足以喻其勢蓋無
司之者乎世謂胥君寄宣孤憤安知水馮雍觀非空
均輩耶道家謂水爲府有扶桑帝君若意也有理爲
觀爲古祠在錢氏清賞堂後人傳五季後人傳五季
爲自然修煉飛舉其地也錢氏建水府觀已而徙相
木國祠扶桑仁皇天聖定名山而水府居一旱投簡
輒雨政和初昇平淨鑑至七年增水府宇貳歲度羽
衣一建矣初賜地清水間之東今百年屋蓋敗且隘
下足容嘉定七襮知樞密院鄭公昭先命道士江師
隆主之地闢地鼎新云云按舊志不載觀在錢氏清

賞堂後其徙清水間亦無賜地字今兩存之 又續
仙傳載自然以大中祥符九年卒葬於其家之東園
明年東川奏劍州梓潼縣道士馬自然白日上昇且
謂人曰昨已羽化於浙西今玉皇又招於此上昇帝
命杭州發其塚視之止存竹杖與此記不同疑水府
觀乃修煉之地而飛舉則在梓潼縣記文恐誤 旌
忠觀紹興元年宣撫處置使張浚劄子據吳玠陳請
陝西出兵自來祈禱三聖屢獲顯應王於鳳翔府和
尚原立廟賜旌忠廟額封忠烈王忠顯昭應王
忠惠順應王三年張浚楊存中郭仲荀用已傳於臨

安府踏橋道東立廟紹興十九年改賜觀額三十二年徙於覺院寺改基中興觀舊志東嶽行祠在吳山上文觀中造紹興七年始葺之二十九年乃成始以道館仍掌祠事嘉泰辛酉燬於火有包道成奉緣重建以崇道庵為額嘉定己巳始請以元真觀額為中興觀額紹定辛卯嘉熙丁酉仍燬于火趙公興權議從他所不果乃即其地改卜北向廟貌復全咸武軍承宣使吳琯重建東嶽行宮記其畧云紹興初元駐蹕吳會嶽未有祠七年鄉民始合力葺之至二十九年有夫人茹氏者復捐私帑終成之嘉泰辛酉

鞠宇既廢有邑道成故然任責偏謂擅施之門言未
既口而傾予者源已然鎮是揆日鳩工始於三年七
月之內成於四年七月之壬申糜金錢以給計萬
有奇增敬舊趾啓闢形勝為殿者二為樓者三為樓
以酌獻者一翼以修廊分司設案者七十二所燦然
如張官置吏之嚴且肅也民入其間起敬起畏自思
違善違罪而不自知則歎之功有福於民教也大矣
邑勞重瘁京尹王公為請於朝值專厄斯職與其從
進補而世壽高碑今不存漢丞相留侯廟元在廟前
門外今在廟後門外張康二王廟聖母池火池旁為

為鉄匠者四工有鑄文元祐九年三月日仁和縣沙
河東界氏居吳文貴顧希暉等捨冶戶俞守言郭青
鑄造 大明宮在吳山忠清廟後嘉泰中建 承天
靈應觀在吳山之巔舊為三官堂紹興間改沖天觀
紹定四年^大史端平三年重建旨改賜今額仍建梓潼
神君行祠淳祐十年旨增建玉皇上帝寶閣 旌德
觀在西湖寶慶二年府尹袁公韶創奏請於朝以執
賜旌德之觀為額前有先賢堂一區花木蔭蔽亭觀
觀深奇撫攸觀遊者憇為其中一室扁曰先賢之相
各有贊刻於石間唐許箕書由 漢嚴先生光 吳

凌將軍統 晉文正范先生平 褚中尉陶 孫先
生居 宋卜牀候天興 范先生叔孫 齊褚先生
伯玉 齊顧先生歡 杜先生京產 梁范太中述
曹 范先生元琰 褚記室修 唐褚康公亮 褚
太尉遊良 褚尚書無量 許都督遠 章先生成
緬 後梁吳越王錢武肅鏐 羅給事隱 國朝錢
秦王徽 卽侍卽簡 知制誥謝公綽 錢諫院房
遠 林和靖逋 沈學士 名紀高廟 錢太中藻
陸龍圖詵 錢龍圖崧 吳秘閣師禮 虞龍圖奕
在八行貢 張文忠公九成 孫氏定夫人 虞

氏夫人 馮孝士 何武節婦 盛氏孝婦 自夫人
至婦別室以祠之在先賢之後 案樂史纂言記云杭
州靈隱山舊名稽留山 許由葛洪所隱又案昌化縣
志有許由亭旁有箕山下有洗耳灘又橋名白牛舊
傳巢許曾隱于此 太史公曰予登箕山其上蓋有許
由塚云箕山自在河南嵩少之間 縣令卞圉以為疑
遂為許遠遊嘗隱此山下 意其追慕昇祖之風故有
洗耳白牛之號 晉史許遠遊丹陽句容人立精舍於
餘杭縣雷山採藥於桐廬柏山永和間移入臨安之
西山登巖茹芝以終為不聞其隱於是山之下蓋卞